

晉

南鄉太守司馬整碑

佚

晉南鄉太守碑在光化軍不著書撰人名氏題曰宣威將軍南鄉太守司馬府君紀德頌碑云君諱整字孔修太宰安平王之孫太尉義陽王之子按晉書宣帝弟曰安平獻王孚孚次子曰義陽成王望望第三子隨穆王整整以泰始三年自南鄉太守徙南陽而南鄉人共立此碑碑在光化軍軍即襄州穀城縣之陰城鎮按晉志不列南鄉郡據此碑所載縣令名氏有武陵筑陽丹水陰城順陽析六縣此蓋南鄉郡所治也晉志但云南鄉魏時屬荊州武帝平吳改為順陽郡而不著順陽治所興廢屬

志九十五

金石三晉

一

縣之名而獨此碑可見也又整傳但云整歷南中郎將封清泉侯薨贈冠軍將軍亦不言其為宣威將軍南鄉南陽二郡守皆其所漏略也

集古錄

右晉南鄉太守司馬整頌云初仕魏拜郎中中郎議郎諫議大夫騎都尉給事中轉拜治書侍御史咸熙二年出臨鄙郡加宣威將軍又云謁者就郡拜君世子執節四讓推與兄嗣固辭懇誠秦伯三美君又加焉又云泰始三年十一月使者奉詔策命君南中郎將牧就統宛都按晉史整事跡附見安平獻王孚傳後云兄奕卒以整為世子歷南中郎將封清泉侯早卒其餘官闕皆不載據史言兄奕卒以整為世子而碑言推與兄嗣二說不同當以碑為正

金石錄

晉宣威將軍南鄉太守司馬整頌泰始四年己巳

有建書為隸誤



古氣質渾厚與鴻都石經可一二校也碑言整安平王孫義陽
王之子仕魏拜郎中中郎議郎諫議大夫騎都尉給事中治書
侍御史咸熙二年出臨鄙郡加宣威將軍就郡拜庶子泰始三
年十一月使者奉詔册命爲南中郎將統茲宛郡今考晉書整
義陽王望之子初奕爲義陽世子奕卒整嗣封清泉侯追贈冠
軍將軍自郎中議郎史不盡書如宣威將軍中郎南郡守則見
於法書而史氏闕之碑自泰始四年建則侯於清泉皆自宛郡
後然頌曰出臨鄙郡自託於詞亦何陋也漢之衰文物隨敝至
晉不勝淺陋殆無前人一言一語雖政教隆汙文章與時高下
然自是氣質卑薄至論述次第亦已失當此可怪也整在當時
蓋公族一少年名爵未立頌至謂稟乾坤之純靈竝聖賢而誕
興其在南郡謂洪恩浹乎不測覆養包乎無外巍巍之功揚于

志九十五

金石三晉

二

仄陋其受册命慶雲隨之夫儼人必於其倫非其倫者人亦不
得受之文字之壞至此可歎也

董道廣川書跋按金石略亦作泰始四年而墨池編作三年

不知整徙南陽在三年十一月其立碑則在四年也

晉南鄉太守頌在今襄陽府副都統司

輿地紀勝

碑陰

伏據隸續錄入

主記史武當趙會欽元

門下賊曹武當張禮仲文

議曹掾陰晏武偉文

議曹掾析呂系系字仲嗣

議曹掾陰吳音惠聲

議曹掾鄧毛端元平

議曹掾鄧李紀元生

議曹掾筑陽文機永度

議曹掾武當頓甫康

議曹掾鄧王舍建

議曹掾武當王和凱明

議曹掾丹水馮嶷林元

議曹掾筑陽趙獎時助

議曹掾順陽郝獎令緒

議曹掾武當樊廣令之

議曹掾丹水張僉令宗

議曹掾鄧厲温顯相

議曹掾鄧何弥奉聲

議曹掾鄧張代叔融

議曹掾筑陽梁習休伯

議曹掾南鄉夏勃士平

議曹掾南陽郭哭仲泰

議曹掾南鄉應昂光

議曹掾陰虞方弘伯

議曹掾順陽董彦邵聲

議曹掾順陽郭沐叔弘

議曹掾順陽樊珍永

議曹掾順陽潘澹偉靚

議曹掾順陽祭造始平

議曹掾陰何永臣宗

議曹掾南鄉夏怡士奕

戶曹掾鄧李肅季穆

倉曹掾南鄉黃种道思

金曹掾陰陳暉行元

賊曹掾陰鄧嘉孔仁

右兵曹掾陰終祈叔英

志九十五

金石二晉

三

科曹掾丹水張浬宣第

中部督邳下關一人又

北部督邳順陽關和頴季

監江督邳順陽王寶偉興

中部勸農筑陽關斐令元

南部勸農南鄉閻沃泰宗

北部勸農掾陰代崢公密

逆掾位筑陽關二字季齊

逆掾位南鄉王皓景林

逆掾位陰潘立偉業

逆掾位武當晉厚季

逆掾位陰陳良偉之

逆掾位鄧富虞偉仲

逆掾位丹水杜儉温恭

逆掾位武當楊誕廣明

逆掾位筑陽趙拔泰英

逆掾位武當樊宮建興

逆掾位順陽郭夏惠岢

逆掾位順陽郭真惠聲

逆掾位鄧邵審元度

逆掾位陰終敞建明

逆掾位鄧龜軌令真

逆掾位陰終恢偉然

逆掾位南鄉應景元先

逆掾位順陽何旻偉之

逆掾位武當趙凱景伯

逆掾位武當王的淵泰

逆掾位陰婁綜子業

逆掾位鄧張爽文列

逆掾位順陽何關德配

逆掾位順陽杜裘建伯關人

逆掾位順陽張義叔宗

逆掾位筑陽王審士先

逆掾位筑陽趙審文固

逆掾位鄧厲明顯關

逆掾位陰馮世惠林

逆掾位丹水闕程元威

逆掾位南鄉謝林長茂

逆掾位南鄉夏載關文

逆掾位順陽宋關三字

逆掾位丹水張楊延列

逆掾位鄧呂善元甫

逆掾位枌傅儀顯則

逆掾位鄧李美關休

逆掾位南陽郭關長先

逆掾位武當樊關長興

逆掾位陰關林之字

逆掾位筑陽關勅獻之

志九十五

金石三晉

四

逆掾位枌朱邵長關

逆掾位順陽馬僚元友

逆掾位順陽程關尤宗

逆掾位陰潘韶偉武

逆掾位武當關武偉慈

逆掾位丹水蔡仁令伯

逆掾位陰婁偉興伯

逆掾位順陽王本長元

逆掾位順陽王仕宣林

逆掾位枌謝邵季甫

逆掾位陰婁文興仲

逆掾位武當謝沖長關又關一人

逆掾位鄧張肅泰恭

逆掾位鄧魯良武和

逆掾位武當張粲玄盛

逆掾位筑陽張秀和明

逆史位順陽五肅仕元

逆史位枌鍾釋景良

逆史位陰陳永建宗關人

逆史位筑陽胡憲偉章

逆史位順陽杜和建穆

逆史位武當李他文子

逆史位筑陽李紈臣先

逆史位陰鄭邵顯伯

從史位順陽龔弘宣林

詩事掾武當王宗長謀

詩事掾陰申定士則

文關下

文學史武當韓興泰博

文學史鄧周緝令熙

文學史陰晏超公叔

文學史鄧樊斐宗明

文學史順陽郝元凱明

文學史筑陽張弼季輔

文學史南鄉樊紹士先

關一文學史武當謝子

曲將

關部司馬武當鄭旻康葉部曲將裨將軍武猛中

郎將順陽何興偉林部曲將

關二校尉關下部曲將裨將軍武當張

始元

關部曲將武猛都尉南鄉趙立公始部曲將關二校尉南鄉

關二承

關又部曲將關六陽胡訢延伯部曲將武猛中郎將陰

李章孔文部曲將武猛校尉順陽

關邵偉元部曲將裨將軍武當

魏端文

關騎關將裨將軍筑陽胡駿關業部曲將軍司馬關下部曲

志九十五

金石三晉

五

將武猛中郎將

關四英關部曲將武猛都尉鄧張銓叔行副部曲

將廣野將軍鄧周鈞宣代

南鄉太守將吏三百五十人其磨滅者猶有二十餘人人皆有

邑姓名字而無次序其名號有令有長有南閣祭酒門下督主

簿部督郵監江督郵部勸農五官掾文學掾營軍掾軍謀掾府

門亭長主記史待事掾待事史部曲將部曲督又有賊曹功曹

議曹戶曹金曹水曹科曹倉曹鎧曹左右兵曹曹皆有掾又有

祭酒有史有書佐有修行有從掾位有從史位有史有小史等

魏晉之際太守官屬之制蓋如此他書或見一二不能如此之

備也

集古錄

金石刻有晉南鄉太守司馬整碑其陰刻掾史以下姓名合三

百五十一議曹祭酒十一人掾二十九人諸曹掾史書佐循行

幹百三十一人從掾位者九十六人從史位者三十一人部曲督將三十六人其冗如此以晉史考之南鄉本南陽西界魏武平荊州始分爲郡至晉泰始中所管八縣才二萬戶耳而掾史若是之多掾史既然吏士又可知矣民力安得不困哉

容齋隨筆

南鄉太守司馬整碑陰泰始四年立

漢隸字原

按隸續第二十一卷前有闕葉以集古錄證之知其爲南鄉太守碑陰而又有闕略也所列將吏有武當陰析鄠筑陽丹水順陽南鄉八縣與晉順陽郡領縣同集古錄謂南鄉郡但領六縣又以武當爲武陵非也

金石存佚考

南鄉郡建國碑

佚

右晉南鄉郡建國碑已斷裂不完其額題南鄉郡建國之碑其

志九十五

金石三晉

六

大略云嘉平五年漢水滔溢毀壞舊城又云正元二年城此其餘文字可識處大略述遷郡事而銘文有與晉常存之語知其爲晉碑也按晉書地理志建安十三年魏武帝盡得荊州之地分南陽縣西界立南鄉郡及晉武平吳太康中改南鄉爲順陽而不載遷郡事此碑蓋太康以前立故仍稱南鄉也碑有云河內司馬府君者整也嘗守是郡自有碑此碑既無建立年月因附於整碑之次焉

金石錄

順陽王碑

佚

在固王古城

輿地碑記目

固王古城在乾德縣東北五里按穀城縣圖經云晉咸寧中封扶風王子暢爲順陽王城內有順陽碑

太平寰宇記按晉書宣五王傳扶風王駿子

暢字玄舒改封順陽王言改封則封在扶風王卒後當在大康中圖經以為咸寧中疏矣

晉太傅羊祜碑

佚

襄陽城南門道東有三碑一是晉太傅羊祜碑一是鎮南將軍

杜預碑一是安南將軍劉儼碑並是學生所立水經沔水注

鎮南將軍杜預碑

佚

詳上

安南將軍劉儼碑

佚

詳上

杜元凱二碑

佚

志九十五

金石三晉

七

杜元凱好為身後名常自言百年後必高岸為谷深谷為陵作

二碑敘其平吳勲一沈萬山下一沈峴山下謂參佐曰何知後

代不在山頭乎

文選注引襄陽記按水經沔水注一碑沈之峴山水中一碑下之萬山下潭中蓋本襄陽記

而唐修晉書作一沈萬山之一立峴山之上歐陽公峴山亭記及南部新書輿地紀勝皆從其說

征南將軍胡奮碑

佚

魯山上有吳江夏太守陸渙所治城城中有晉征南將軍荊州

刺史胡奮碑水經江水注

胡公祠有晉征南將軍胡奮碑考晉武伐吳奮出夏口則其蹤

跡嘗至此今碑立字誤祠亦廢輿地紀勝

永寧塢

存分書反文出宜都城南宜都姚氏家藏

永寧元年三月一日作

永寧元年三月一日作

永寧博

存分書反文出宜都城南宜都李氏家藏

永寧元年八月一日

永寧元年八月一日

永寧博

存分書反文出宜都城南宜都余氏家藏

永寧元年八月九日

永寧元年八月九日

諸葛武侯故宅碣

志九十五

金石三晉

八

伏據三國志注錄入

天子命我于沔之陽聽鼓鞀而永思庶先哲之遺光登龍山以遠望軾諸葛之故鄉蓋神物應機大器無方通人靡滯大德不常故谷風發而騶虞嘯雲雷升而潛鱗驤摯解褐於三聘尼得招而褰裳管豹變於受命貢感激以回莊異徐生之摘寶釋臥龍于深藏偉劉氏之傾蓋嘉吾子之用行夫有知己之主則有竭命之良固所以三分我漢鼎跨帶我邊荒抗衝我北面馳騁我魏疆者也英哉吾子獨含天靈豈神之祇豈人之精何思之深何德之清異世通夢恨不同生推子入陳不在孫吳木牛之奇則亦般模神駑之功一何微妙千井齊贊又何祕要昔在顛天有名無迹孰若吾儕良籌妙畫臧文既沒以言見稱又未若子言行並徵夷吾反坫樂毅不終奚比于爾明哲守冲臨終受寄讓過許由負屨莅事民言

不流刑中于鄭教美于魯蜀民知恥河渭安堵匪皋則伊寧彼管晏豈徒聖宣慷慨屢歎昔爾之隱卜惟此宅仁智所處能無規廓日居月諸時殞其夕誰能不死貴有遺格惟子之勲移風來世詠歌餘典懦夫將厲遐哉邈矣厥規卓矣凡若吾子難可究已疇昔之乖萬里殊塗今我來思覲爾故墟漢高歸魂于豐沛太公五世而反周想魍魎以髣髴冀影響之有餘魂而有靈豈其識諸

晉永興中鎮南將軍劉弘至隆中觀亮故宅立碣表闡命太傅

掾韃為李興為文

三國志注引蜀記

沔水又東逕隆中歷孔明舊宅北亮語劉禪云先帝三顧臣于草廬之中咨臣以當世之事即此宅也車騎沛國劉季和之鎮襄陽也與李安共觀此宅命安作宅銘云天子命我于沔之陽聽鼓鞀而永思庶先哲之遺光

水經沔水注

志九十五

金石二晉

九

在襄陽府晉李興撰

輿地碑記目

興字雋石有文才劉弘立諸葛孔明羊叔子碣使興俱為之文

甚有辭理

晉書孝友傳按李安一名興見後

墮淚碑

佚據明弘治四年重立碑拓本錄入

晉故使持節侍中太傅鉅平成侯羊公碑

公諱祐字叔子泰山南城人也其先晉羊舌大夫之胄當漢中興始自南陽家于岱野纓冕相繼九世于茲矣顯祖南陽太守考上黨太守咸有能名公承俊烈之高風應明哲之盛代德擅規模仁成慈惠其器量弘深容度廣大浩浩乎固不可測已其志節言行卓爾不羣遊神玄默散志青雲弘之以道籍博之以藝文于是仁聲遠耀芳風遐流年十有七上計吏察孝廉州郡不肯就羣公休

之四府並命盤桓累載及公車徵拜中書侍郎秘書監于時當晉之盛明揚英俊乃引公爲相國從事中郎遷中領軍遇革命之期任受禪之會秉文經武以集大晉之祚皇采增輝帝威遠邁偉絕代之風弘唐虞之緒帝嘉厥庸疇以大國公乃逡巡固讓裁居小邦天子俞咨仍復公中軍將軍散騎常侍內釐王度外綏區域嚴恭寅畏帝命允飭運國威于句陳握皇樞于紫極于時之盛未有上公者也拜衛將軍尙書僕射以揆天機崇成大業帝道緝熙泰階永肅以江寇未夷乃命公都督荊州諸軍侍中車騎將軍開府辟命乃養民募財開斥國界創築五城以防寇衛境然後闡敷皇風懷遠以德知大同之業思王道之則齊其土人均其利澤軍無虞警民不疲勞農功盈疇百姓布野羣黎被德殊俗望風吳人感服襁負而至者四萬餘口進位征南大將軍公雖享有茅土歷登

台階吐飧下士貳於姬公方將殪彼戎吳經國弔民然後偃甲戢兵辭功退身以優遊乎初好此公之素志也會邁篤疾春秋五十有八咸寧四年十有一月庚寅薨于京邑天子痛悼遣使持節追贈侍中太傅南城侯印綬賻弔加于常也及其葬上親臨過車騎諡曰成侯天子以公德高勛大而屢辭封爵故復建南城之國特以封公公哲讓終始上未之許及其薨也夫人夏侯氏追公克讓之志遂不以斂公自出身以至于終忠言不輟于口嘉謀不廢于心成其業不處其功勤其勲不榮其祿儀型言行動爲世範暨六年春平吳策詔曰故太傅鉅平侯羊祜造建平吳之規潛謀遠略與眾殊慮勲業不遂然蕩滅之計悉如祜策固能夷曠世之寇拯黎民之患勲烈弘著而寵不逮身其遣使以克定之功策告祜廟昔漢氏封蕭何夫人爲侯以崇顯元功亦古之令典封祜夫人爲

萬歲鄉君食邑五千戶賜絹萬疋于是故吏高文奚廉等僉以公德高而志卑位優而行恭徽猷被于江漢懿德及於羣生涉其風者貪夫廉懦夫立雖夷惠之操奮乎百世曷以尙之奇謀潛略清功遺緒靡所寘心乃共揭石刊勒盛軌永表風烈焉其辭曰天臨有晉乃降皇輔猗歟惟公應期協矩聰哲神睿乃文乃武曰唐曰虞淵淵其度翼翼其明孝思以形乃耀高風辭爵讓榮爲而不有志凌太清如何不弔中年殞□□□□□□□□□□□□末□□□□刊□□□是表是旌

羊祜卒後襄陽百姓于公平生憩游之所建碑立廟歲時饗祭焉望其碑者莫不流涕杜預因名爲墮淚碑文蜀人李安所撰安一名興初爲荊州諸葛亮宅碣其文善及羊公卒碑文工時人始服其才也

襄陽者舊記

志九十五

金石二晉

十一

羊祜鎮襄陽與鄒潤甫嘗登峴山及祜薨後人立碑於故處望者悲感杜元凱謂之墮淚碑

水經沔水注

西戎令范君墓碑

佚

夏水歷范西戎墓南王隱晉書地道記曰陶朱冢在華容縣樹碑云是越之范蠡晉太康地記盛弘之荊州記劉澄之記並言在縣之西南郭仲產言在縣東十里檢其碑題云故西戎令范君之墓碑文剝落不詳其人稱蠡是其先也碑是永嘉二年立觀其所述最爲宛悉以親逕其地故違眾說從而正之

水經夏水注

按晉志失載西戎縣

建興塢

存分書出宜都城南宜都李氏家藏

建興三年造

建興三年造按蜀後主吳孫亮晉愍帝紀年並有建興之號蜀自興凡四年此博三荆州失後此地非所有吳建興僅二年惟晉愍帝建年造為晉製無疑

征南將軍胡羆碑

佚

峴山上有征南將軍胡羆碑

水經沔水注

胡威弟羆字季象征南將軍以繁行著名

魏志注引晉陽秋按晉書羆附威傳稱

仕至益州刺史安東將軍則舉其終言之

征西將軍周訪碑

佚

峴山上有征西將軍周訪碑

水經沔水注

訪擊杜曾以功遷南中郎將都督梁州諸軍梁州刺史屯襄陽

志九十五

金石三晉

三

大興三年卒詔贈征西將軍諡曰壯立碑于本郡

晉書本傳

平南將軍王世將刻石

佚

魯山上有吳江夏太守陸渙所治城城中有平南將軍王世將

刻石記征杜曾事

水經江水注

按寰宇記引荆州圖副作南平將軍董廣之與地碑記目作南平將軍黃

董度之名勝志作南平將軍董度之皆誤或另是一碑

陶侃廟碑

佚

陶侃薨參佐置石碑立廟像於武昌西江上

北堂書鈔引王隱晉書

陶侃廟在鄂州東一百七十五里侃薨於樊口百姓思焉咸康

五年立廟祀之有碑在又至興元中武昌縣令唐平以其荒蕪

無庇遷在縣西北一百步俯臨大江

寰宇記

桓宣碑

佚

峴山上有桓宣所築城又有桓宣碑水經河水注

永和博

存分書正文出宜都城東宜都朱氏家藏

永和元年尹冢

按漢順帝晉穆帝後秦姚泓北涼沮渠牧犍皆號永和元年尹冢永和博出宜都與後秦北涼不相及以字跡決之斷為晉時所造尹氏廣韻云出天水河間

永和博

存分書正文出宜都城東宜都朱氏家藏

永和五年太歲在己酉晉夷道令上□□留□君之□

永和五年太歲在己酉晉夷道令上□□留□君之□

志九十五

金石三晉

三

永和博

存分書正文出宜都城東宜都李氏家藏

永和六年 吉陽

永和六年 吉陽

永和博

存分書正文出枝江城西枝江曹氏家藏

永和八年

永和八年

永和博

存分書正文出枝江曹氏家藏

永和十一年七月庚柞陽

永和十一年七月庚柞陽

公安縣二聖記碑

佚

公安縣二聖記永和年間王粲撰輿地碑記目

二聖報恩光孝禪寺正殿中為釋迦右為青葉髻如來號大聖左為婁至德如來號二聖三像皆南面按藏經駒字函娑羅浮殊童子成道為青葉髻如來再出世為婁至德如來則二如來本一身耳有碑言邑人一夕同夢二神人言我青葉髻婁至德如來也有二巨木在江干我所運者俟鄩行者來令刻我像已而果有人自稱鄩行者又善肖像邑人欣然請之像成人皆謂酷類所夢然碑無年月不知何代也陸游入蜀記魏王粲以建安二十二年春卒此王粲係晉人與仲宣同姓名者金石存佚考

志九十五

金石三晉

十四

諸葛武侯宅銘

佚據藝文類聚錄入

達人作振此頽風雕薄蔚采鴟闌惟豐義範蒼生道格時雄自昔爰止於焉盤桓躬耕西畝永嘯東巒迹逸中林神凝巖端罔窺其奧誰測斯歡堂堂偉匹婉翮揚朝傾巖搜寶高羅九霄慶雲集矣鸞駕亦招

車騎將軍沛國劉季和之鎮襄陽也與健為人李安共觀武侯

宅命安作宅銘後六十餘年永平之五年習鑿齒又為其宅銘

焉水經泗水注

按李雋石撰宅銘據蜀記在永興中考永興元年歲在甲子後六十餘年習彥威重撰宅銘當在興寧太和間水經注作永平五年非也永平惠帝年號在永興前十三年金石存佚考按以永平在永興後

酈氏不應疏舛至此疑今本水經注六十爲五十之誤永平爲升平之誤

郗恢碑

佚

萬山上有郗恢碑魯宗之所立也水經洿水注

萬山寺在襄陽縣晉大興中立寺有郗恢碑其下有石龜輿地

紀勝按宗之晉義熙中爲雍州刺史碑蓋是時立

車武子墓碑

佚

車武子墓在車湖江夏紀詠載張俞車湖詩憶昔車公居此地遺墟繚繞臨清軒惜哉斷石文尙在野老不識投波瀾注云武子墓下得碑其文尙在田父斷而沈之江輿地紀勝

元興博

志九十五

金石三晉

五

存分書反文出宜都城東宜都朱氏家藏

元興元年

義熙博

義熙博

存分書正文出宜都城東宜都李氏家藏

義熙五年己酉襄陽張西陵

義熙五年己酉襄陽張西陵按己字下缺者是酉字

義熙博

存分書正文出宜都沙灣枝江曹氏家藏

義熙十年

義熙十年

義熙博

存分書正文出宜都城東宜都姚氏家藏

義熙十一年太歲乙卯

義熙十一年太歲乙卯

魏興太守覃毅德政碑

佚

在均州金石略

舊魏興太守譚毅德政碑在鄖鄉縣當有一百五十里輿地碑

按紀勝載魏興太守碑在豐利縣又載舊魏興太守譚毅德政碑在鄖鄉縣一百五十里碑記目只載後一碑考寰宇記廢豐利縣在均州西二百四十里皇朝乾隆二年廢入鄖鄉則碑在鄖鄉即舊豐利之地碑記目只載一碑是也鄭王書覃譚錯出未詳孰是碑記目作毅與金石略同紀勝作義誤也

董黯墓碑

佚

志九十五

金石三晉

夫

圖經云即董城在孝感縣北一百三十里昔孝子董黯家焉故後魏大統十六年改為董城郡然明州慈溪縣亦有孝子董黯墓唐徐浩所書碑碣見存當考輿地碑記目

曹子建碑

佚

在枝江輿地碑記目

楚莊王廟記

佚

義之書在江陵府輿地碑記目按紀勝莊王廟在江陵縣東南

倚相碑

佚

義之書在江陵府輿地碑記目

滴滴泉三字

佚

武昌西山即樊山也有泉曰菩薩水晉時書滴滴泉三字刻於

石名勝志

竟陵銅鐘

佚

晉元熙二年竟陵郡中水戍得銅鐘七口言之上府水經沔水注按鐘

未詳何代姑附晉

渭縣都塋墓塋

存正書出宜都城東宜都李氏家藏

上渭縣都塋

缺之神墓

志九十五

金石三晉

七

□□□渭縣都塋□□□之神墓按渭縣上闕當是臨字臨渭晉縣秦州略陽郡南宋縣益州安

固郡南齊縣益州安固郡以字跡斷之當在晉宋之間

二千石封侯塋

存正書出宜都城南宜都李氏家藏

二千石封侯

二千石封侯

宋

永初甌

存正書出宜都龍窩枝江曹氏家藏

宋永初三二

都王吳妃之

宋永初三年□都王吳妃之□按永初宋武帝建元宜都王即文奉大統永初三年文帝正

元嘉甄

存正書出宜都城東宜都李氏家藏

元嘉十年

元嘉甄

存正書出宜都龍窩宜都朱氏家藏

元嘉廿五年郡功曹吳吉堂

元嘉廿五年郡功曹吳吉堂

按宋百官志太祖元嘉四年復置郡官屬略如公府無東西曹有功曹史

與甄合

泰始甄

志九十五

金石三 宋

六

存正書出宜都龍窩宜都楊氏家藏

宋泰始五年太歲己酉宜都夷道何孝廉夫人桑氏神墓

宋泰始五年太歲己酉宜都夷道何孝廉夫人桑氏神墓按泰始

一建元夷道屬宜都郡漢舊縣桑氏姓譜云出自少昊窮桑氏子孫以桑爲氏

謝公巖碑

佚

謝公事見劉琨謝公巖碑輿地紀勝按清一統志謝公巖在襄陽縣西南五里宋謝莊曾遊此

范曄龐德公贊

佚

龐德公宅在峴山南廣昌里宅內舊刻范曄贊云江海冥滅山林長往遠性風疎逸情雲上道就虛全事違塵枉名勝志

齊

建武甄

存正書反文出宜都龍窩宜都余氏家藏

建武四年季加夏

頭陀寺碑

伏據文選錄入

蓋聞挹朝夕之池者無以測其淺深仰蒼蒼之色者不足知其遠近况視聽之外若存若亡心行之表不生不滅者哉是以掩室摩竭用啓息言之津杜口毗邪以通得意之路然語彞倫者必求宗於九疇談陰陽者亦研幾於六位是故三才既辨識妙物之功萬象已陳悟太極之致言之不可以已其在茲乎然爰繫所筌窮於此域則稱謂所絕形乎彼岸矣彼岸者引之於有則高謝四流推

之於無則俯弘六度名言不得其性相隨迎不見其終始不可以學地知不可以意生及其涅槃之蘊也夫幽谷無私有至斯響洪鐘虛受無來不應况法身圓對規矩冥立一音稱物宮商潛運是以如來利見迦維託生王室憑五行之軾拯溺逝川開入正之門大庇交喪於是玄關幽捷感而遂通遙源濬波酌而不竭行不捨之檀而施洽羣有唱無緣之慈而澤周萬物演勿照之明而鑒窮沙界導亡機之權而功濟塵劫時義遠矣能事畢矣然後拂衣雙樹脫屣金沙惟悅惟惚不皎不昧莫繫於去來復歸於無物因斯而談則棲遑大千無爲之寂不撓焚燎堅林不盡之靈無歇大矣哉正法既沒象教陵夷穿鑿異端者以違方爲得一順非辯僞者比微言於目論於是馬鳴幽讚龍樹虛求並振頽綱俱維絕紐蔭法雲於眞際則火宅晨涼曜慧日於康衢則重昏夜曉故能使三

十七品有樽俎之師九十六種無藩籬之固既而方廣東被教肄南移周魯二莊親昭夜景之鑒漢晉兩明並勒丹青之飾然後遺文間出列刹相望澄什結轍於山西林遠肩隨乎江左矣頭陀寺者沙門釋慧宗之所立也南則大川浩汗雲霞之所沃蕩北則層峯削成日月之所迴薄西眺城邑百雉紆餘東望平皋千里超忽信楚都之勝地也宗法師行絜珪璧擁錫來游以爲宅生者緣業空則緣廢存軀者惑理勝則惑亡遂欲捨百齡於中身殉肌膚於猛鷲班荆蔭松者久之宋大明五年始立方丈茅茨以庇經象後軍長史江夏內史會稽孔府君諱覬爲之薙草開林置經行之室安西將軍郢州刺史江安伯濟陽蔡使君諱興宗復爲崇基表刹立禪誦之堂焉以法師景行大迦葉故以頭陀爲稱首後有僧勤法師貞節苦心求仁養志纂修堂宇未就而沒高軌難追藏舟易

遠僧徒閔其無人榱椽毀而莫構可爲長太息矣惟齊繼五帝洪名紐三王絕業祖武宗文之德昭升嚴配格天光表之功弘啓興復是以惟新舊物康濟多難步中雅頌驟合韶濩炎區九譯沙場一候粵在於建武焉乃詔西中郎將郢州刺史江夏王觀政藩維樹風江漢擇方城之令典酌龜蒙之故實政肅刑清於是乎在寧遠將軍長史江夏內史行事彭城劉府君諱誼智刃所游日新月故道勝之韻虛往實歸以此寺業廢於已安功墜於幾立慨深覆簣悲同棄井因百姓之有餘間天下之無事庀徒揆日各有司存於是民以悅來工以心競巨丘被陵因高就遠層軒延袤上出雲霓飛閣透迤下臨無地夕露爲珠網朝霞爲丹矐九衢之草千計四照之花萬品崖谷共清風泉相渙金姿寶相永藉閑安息心了意終焉游集法師釋曇珍業行淳修理懷淵遠今屈知寺任永奉

神居夫民勞事功既鏤文於鐘鼎言時稱伐亦樹碑於宗廟世彌積而功宣身逾遠而名劭敢寓言於彫篆庶髣髴乎眾妙其辭曰質判玄黃氣分清濁涉器千名含靈萬族淳源上派澆風下黷愛流成海情塵爲岳皇矣能仁撫期命世乃睠中土聿來迦衛奄有大千遂荒三界殷鑒四門幽求六歲亦旣成德妙盡無爲帝獻方石天開淥池祥河輟水寶樹低枝通莊九折安步三角川靜波澄龍翔雲起耆山廣運給園多士金粟來儀文殊戾止應乾動寂順民終始法本不然金則無滅象正雖闕希夷未缺於昭有齊式揚洪烈釋網更維玄津重榭惟此名區禪慧攸託倚據崇巖臨睨通壑溝池湘漢堆阜衡霍騰騰亭臯幽幽林薄媚茲邦后法流是挹氣茂三明情超六入眷言靈宇載懷興葺丹刻羣飛輪奐離立象設旣闢眸容已安桂深冬煥松疎夏寒神足游息靈心往還勝幡

志九十五

金石二齊

三

西振貞石南刊

王巾字簡栖琅邪臨沂人有學業爲頭陀寺碑文詞巧麗爲世所重碑在鄂州題曰齊國錄事參軍琅邪王巾製

文選注引姓氏英賢錄

頭陀寺在清遠門外黃鶴山上宋大明五年建自齊王巾作寺

碑遂爲古今名刹黃太史詩有頭陀全盛時宮殿梯空級之句

輿地紀勝

王巾作頭陀寺碑說文通釋以爲王巾

困學紀聞

碑久佚頭陀寺亦廢考張芸叟柳行錄云石城最西卽黃鶴白

雲最東卽頭陀寺王得臣塵史云頭陀寺在郡城之東絕頂處

西去大江最遠其言均係目驗近人乃以漢陽門外之觀音閣

當之非也頭陀寺頂院舊有壓雲亭元成宗時詔就壓雲亭故

址建大元興寺今亦不知所在矣

金石存佚考

劉虬碑

佚據藝文類聚錄入

受川岳之英靈有清明之淑性淡乎如深泉之靜皜乎若寒霜之潔千仞不足喻其高萬頃不足疇其量在其幼也孝敬淳深貫乎幽顯廬乎墓所而暴獸去之墟里賴焉樵蘇無犯及其長也捧檄動容薄遊下邑甘露零於豐草蒲密致於時雍有以見賢人之行動天地感鬼神疾乎風響如斯之美者矣夫聲名藉甚羣公側席鑿室林皋面流俯隴咫尺荆衡表裏巫夢樹蕙滋蘭蕪沒庭戶平疇翠瀕千里極目信物外之神區幽居之勝境昔許子將謂太丘道廣廣則不周仲舉性峻峻則少納峻而納廣而周君於二陳折其中矣其所修孔氏之學則儒者師之所明釋氏之教則淨行傳之所著文集則辭人錄之銘曰

志九十五

金石三齊

三

滔滔江漢實紀南國篤生居士高明柔克峩峩其道巍巍其德曰仁曰義惟民惟則築室皇壤考槃郭郭坐臥山樊嘯歌林薄親致甘旨躬飡上藥優哉游哉且以行樂九丘八索百家羣史西河疑聖華陰成市悠哉荆夢逝矣江濱輜輶結轍羔雁成羣監觀令範式如金玉君子徽猷誰其與屬疇咨故老遵揚實錄

劉虬碑裴子野撰

藝文類聚 按子野字幾原河東聞喜人少好學善屬文見梁書本傳

梁

檀溪寺禪房碑

佚

劉之遴撰鮑炯銘許璠正書天監十一年四月

金石錄

梁信威主簿劉之遴序記室參軍鮑炯銘前輔國郡都曹參軍許璠書檀溪寺者東晉人張殷以宅所立咸安中沙門道安重

建宋元嘉二十五年有西域浮屠又建禪房於池水之東其地逼隘梁天監四年勅別給池西之地移而立之碑於天監十一年四月立

寶刻叢編引
集古錄目

在襄州

寶刻類編 按劉之遴金石錄寶刻叢編並誤作
之通輿地紀勝引集古錄又誤作劉建之當訂正

雍州金像寺無量壽佛像碑

佚據藝文
類聚錄入

昔堯乃則天莫能名其聖丘纔譬日無得稱其道况復欲宣五品將歎三法固使迦葉恥其無智龍樹羞其非辯猶聞獻蓋長者頌以七言無學比丘陳其百句至有九輩性生一身補處塵洗玉池神聞金葉樹聲繁會趙簡於是未聞地寶焜煌周穆之所不見昔者出城石轉還林現疾夢樹既沈梵花獨反猶有香杖疊衣紅爪紺髮可得崇以妙利顯用珍函彼彌陀感化殊攝日輪照曜月面

志九十五

金石三梁

三

從容豪散珠輝脣開異色似含微笑俱注目於瞻仰如出軟言咸傾耳於諦聽像復以其夕出任寺門始則映顯巖閣猶對鷲山之禮末又徘徊闔外似救毗城之疾空中生樹豈曰難思火內披蓮未為多有銘曰

奄有淨國寶應多祉葉產梵童花開釋子玉蓮交映銀荷迥起伊尹慚商伯華羞李

雍州金像寺無量壽佛像碑梁劉孝儀撰

藝文類聚 按此雍州晉太元中僑置於

襄陽者梁書劉潛傳字孝儀天監中勅令製
雍州平等金像寺碑文甚宏麗謂此碑也

三絕碑

佚

劉孝儀文蕭子雲書普造三年立

寶刻叢編引
諸道石刻錄

在襄州

寶刻
類編

廢汝陽觀碑

佚

在遠安縣大通五年荊州刺史湘東王繹撰輿地紀勝引寰宇記按大通上脫

字中

毛玠神道碑

佚

在花橋之麓梁大同九年彭城黃斌建立此碑麻城志

重立羊祜墮淚碑

佚

梁大同中以舊碑殘缺再書而刻之碑陰具載其事今附於此

金石錄

晉故使持節侍中太傅鉅平侯羊公之碑篆額正書無姓名

志九十五

金石二 梁

舌

字畫亦類劉靈書年月同下碑復齋碑錄

羊公墮淚碑不著書撰人名氏襄陽耆舊傳謂李興初撰也梁

大同十年雍州刺史以故碑闕落命別駕從事史劉伯推模立

此本故碑一丈一尺開元間故碑尙無恙李翰林有龜頭剝落

生莓苔之句今不存矣集古後錄

改墮淚碑

劉之遴撰劉靈正書金石錄

大同十年九月在襄州寶刻類編

今在羊祜碑之陰輿地碑記目

鳳林寺碑

佚

庾信撰輿地碑記目引集古錄目按王象之系此碑於隋誤據高僧傳鳳林寺庭前有碑庾信撰蕭子雲書世稱冠

繩子雲卒於太清三年見梁書本傳則碑爲梁時立審矣

平等刹下碑

佚

庾元威撰 諸道石刻錄

興業寺碑

佚

庾元威撰 諸道石刻錄

九曲靈龜池在襄陽縣東北三里徧學寺東古城舊有興業寺今併入徧學寺唐景龍元年有陳畱阮氏寓居襄陽捨財於此寺東院創造堂宇時歲旱池涸卽掘廣深之忽暴雨池溢乃是一大龜高數尺如半張牀大岸側而行眾卽驚呼龜遂躍入池中寺僧靈岫云院有折碑云興業寺碑碑文梁散騎常侍庾元

志九十五

金石三梁

五

威撰其文可傳者云此寺有靈龜一頭長三尺五寸冬潛春現多歷年所隨眾上堂應時而食刺史安陸王照頻遇此龜其壞碑因卽扶豎今在徧學寺東院阮氏所修寺堂庭中浮屠前池見在深五尺方二十步 太平廣記引襄河記

蕭恭德政碑

佚

恭爲寧蠻校尉荊州刺史政績有聲百姓請于城南立碑誦德詔許焉名爲政德碑 南史本傳

威猛將軍程虔碑

存正書在襄陽

梁故威猛將軍諮議叅軍益昌縣開國男宋新巴晉源三郡太守程虔字子猷陰時六十八秩業承基辯和意績素品積孱安定南

陽白土人也少烈才過崇謀自致馳率六戎鎮翼熙序馨聲甘風
歌示之國寶四帙嚮行万化美同是故忠誠三王獻聞天子授
爵班三品食邑封侯邦之婚蜀夢世馨保金存捨身恭造乘顛
道詔表之神道

太歲己巳丁亥朔二月廿八日甲寅營訖事

襄陽城西北牛首鎮關帝廟地濱漢江水勢泛漲不時崩塌清
宣統二年四月漁人於此獲梁程虔碑末題太歲己巳武帝太
清三年也采訪冊 按此碑文意不屬疑 不可解然原拓本如是姑闕

荆州放生亭碑

佚據藝文類聚錄入

魚從流水本在桃花之源龍處大林恆念浮雲之格豈謂陵陽垂
釣失雲失水莊子懸竿吞鉤吞餌雖復玄龜夜夢終見取於宋王

志九十五

金石三 梁

三

朱鷺晨飛尙張羅於漢后譬如黃雀伺蟬不知隨彈應至青鸕逐
兔詎識扛鼎方前北海之食鸚鵡未始非人西王之使傳信誰云
賤鳥故知魚鳥一觀俱在好生欲使金牀之鴈更及衡陽之侶雪
山之鹿不充食苹之宴

荆州放生亭碑梁元帝撰藝文類聚 按 舊志食作滄誤

荆州長沙寺阿育王像碑

佚據藝文類聚錄入

蓋聞璇璣玉衡穹昊所以紀物金版玉文淳精所以播氣何則咸
秩社首義盡於寰中鑄鼎馮翊未窮於系表況復道冠萬靈理超
千聖智周十地行圓四等變海成蘇移山入芥鉢疑鉢字鋒廣說藕
絲見道惠音八種面門五色組鉢生華入青樓而吐耀金牀照彩
出紫殿而相輝纔渡蓮河即處天冠之寺始遊羅衛便居堅固之

林斯蓋俯應閭浮未臻常樂降情誘接豈窮妄相若乃境無引汲
智生淺深明同一體或起千重七地初刃方稱變易三達後心因
窮智種然俱冥四德脫屣雙林示表金棺現焚檀椁浩浩焉不可
知已卻望五津距青蓮之洞俯臨三峽帶明月之流

荊州長沙寺阿育王像碑梁元帝撰

藝文類聚

阿育王像唐初尙在長沙不知何年入天皇寺袁宏道有天皇
寺自來佛記

金石存佚考

青谿山館碑

佚據藝文類聚錄入

原夫法象莫過於天地著明莫過於日月鼓之以雷霆潤之以風
雨咸秩無文所以名山致祭峻極于天青谿山者荆南之中岳也
隱隱于霄亭亭無際雲蓋三層如在帝臺之側桂林八樹非異景
山之旁輕霞互起影落照於陽谿清風遠至響猿鳴於巫峽西臨
百丈之穴南帶千仞之水洪源湛淡長波縈復

青谿山館碑梁元帝撰

藝文類聚

郢州晉安寺碑

佚據藝文類聚錄入

鳳皇之嶺芊綿映色蓮花之洞照耀增輝山云黃鶴疑聞天之夜
響城稱卻月似輕雲之霄蔽銘曰虹梁紫柱螭栴丹牆綺井飛棟
華棖璧璫應龍若動威鳳疑翔玉舄霄澗金池夕光朱城卻稅紫
陌潛通塹柳朝綠江暉暝紅落霞將暮鮮雲夕布峯下陽烏林生
陰兔分珮隔浦皇檣隱霧俱聽法鐘同觀寶聚

郢州晉安寺碑銘梁元帝撰

藝文類聚按類聚載諸碑均節錄非全文

梁武王華容寺碑

佚

在武昌

輿地碑記目 按紀勝武昌王作陵王又引武昌記云縣西五十里有華容寺考梁書有武陵王紀高祖子作武

北周

儀同碑

佚

周元年宇文周碑今在襄陽縣民董氏家按通鑑宇文周立國之初但稱王不建年號至陳武帝永定三年崔猷建議請稱皇帝建年號始改元武成故此碑但稱元年則此碑之立當在武

成之前

輿地碑記目

武成鐵鑪

佚

志九十五

金石三 北周

三

鄖東有大小鶴二山大山之巔得鐵鑪二一鑄於後周武成二

年

安陸志 按北周武成二年為陳世祖文帝天嘉元年時安州屬周置總管府

故儀同陳毅誌

佚

保定三年癸未十一月辛卯朔十九日己酉立

復齋碑錄

席肅公神道碑

佚

保定四年卒碑在今襄陽府治

輿地碑記目 按周書席固諡肅寶刻叢編系於五代失之

常樂寺浮圖碑

佚

周保定四年立州人治記室曹胡達撰其辭云襄州刺史王秉字孝直建長樂寺磚塔七層其碑文今仆在襄陽開元寺塔院

其文字書畫無過人者特以後周時碑文少見於世故存之

元豐

類稿

常樂寺於唐為徧學寺於宋為開元寺按襄沔記在城東北三里今其遺迹不可考矣秉為周大將軍思政子入隋為襄州總

管附見其父傳中

金石存佚考

刺史豆盧公德政碑

佚

在襄陽縣東三里

訪碑錄

襄州司馬陳府君德政碑

佚

在襄陽縣西五里

訪碑錄

景福寺碑

志九十五

金石三 北周

三

佚

後周趙文淵至江陵書景福寺碑梁主稱之

金石史 按周書趙文深傳字德本

南陽宛人少學楷隸有鍾王之則筆勢可觀世宗令至江陵書景福寺碑梁主蕭詧觀而美之唐人諱淵改作深

大周鉅魏君之神道字

佚

在鄧城縣南十二里張相公墓前

訪碑錄 按鉅下疑脫鹿字

隋

興國寺碑

佚

隋內史李德林撰襄州祭酒從事丁道護書文帝父忠當魏周之際嘗將兵南定襄漢及文帝即位建此寺以祈福碑以開皇

六年正月立

寶刻叢編引 集古錄目

歐公嘗得啓法寺碑列於集古錄中而於太學官楊褒處見興國寺碑以不得入錄爲恨今碑陰又有襄州鎮副總管柳止戈以下十八人姓名字畫尤完好歐陽公所未見也蔡君謨題其後云在杭州日坐有客曰小說稱丁真永草永固知名丁何人也予謂道護豈其人邪按法書要錄丁覘與智永同時人善隸書世稱丁真永草非道護也

金石錄

興國寺在望楚山今爲延慶寺

實刻叢編引南豐集古錄

大興國寺銘李德林撰丁道護書隋開皇間以襄州鳳林山鳳林寺爲大興國寺至唐會昌五年武宗用道士趙歸貞說大毀佛寺復僧尼爲民而寺廢懿宗朝州刺史蔣係請復寺爲延慶寺從之建炎初寺爲灰燼此碑獨巋然露立在今府城東南十里歐陽公頃嘗見墨本於學官楊君家欲求其本不知碑所在

志九十五

金石三隋

三

曾南豐以爲延慶寺在望楚山非也地西南三里有山聳然曰尖山者其上可以見鄢城宋元嘉中武陵王駿更名望楚余登望楚屢矣烏觀所謂延慶者哉

集古後錄

碑陰

佚

興國寺碑陰有柳止戈而下十八官姓名亦丁道護書蔡君謨題其後云在杭州日坐有客曰小說稱丁真永草永固知名丁何人也道護豈其人邪趙德夫按法書要錄曰非道護丁覘與智永同時世稱丁真永草德夫之言是矣余謂丁覘在時必未得此聲西臺旣陷簡書湮散丁尋卒於維揚妙蹟日爲難得已而智永師盛以草書名江東然後人以永草配丁真也丁覘洪亭人梁孝元在荊州凡書記俱其筆當時尙爲之語曰丁君十

紙不敵王褒一字獨顏之推愛重而寶持之蕭子雲問典籤惠
編曰君王賜書殊爲佳手姓名爲誰編以覘對子雲歎曰不爲
世所稱亦奇事事見顏氏家訓恐忘之聊附於此

寶刻叢編引
集古錄目

玉泉寺智禪師碑

伏據國清
百錄錄入

蓋聞乾元資始三辰著象於天坤道資生萬物動行於地皇王於
是建國賢聖所以垂文起名教而莫同制威儀而有別至於畫卦
觀爻蓋取隨時之象綜經織緯口通爲政之辭大禮同和大樂同
節安上治民移風易俗斯生前之事略矣可言死後之間仲尼弗
語縱使絳雪縈空玄霜拂樹餌金丹而九轉吞玉髓而千年乘雲
也駕五色之元龍遊漢焉控三山之素鶴逍遙瑤臺之上容與珠
闕之間未窺解脫之門終趣蓋纏之境唯正覺淵沖眞如妙有不

生不滅無相無言隨緣應質則口口成形隨類觀音則因聲亦說
故有白銀千尺之口口金丈六之身八部般若之文四種悉檀之
義神通自在慧力無窮因導化行開示晤入皈依者盡發菩提迴
向焉普登常樂是以獼猴建塔遂生忉利之天野雁銜華復往彌
陀之國豈直日藏沙門孤遊正道月光童子獨見如來四生因茲
度脫六道藉此昭蘇實火宅之高車昏河之大筏若乃周室昭王
之世影奪恆星漢朝明帝之時光夢如日使旋西域化漸東都眞
像南宮中心北面自摩騰入洛羅什遊秦名教更弘道風漸熾經
臺像閣寶槍香山麗溢巖阿綺盈都邑豈期後魏眞君之歲後周
建德之年靈廟一除伽藍再滅形容廢毀文字散遺響落瓊鐘聲
沈寶鐸修禪耆舊卷其舌而不談護戒先賢改其形而晦影世絕
調心之路時虧汲引之塗無出世之津梁失生民之大望我隋皇

帝乘乾御宇握鏡披圖友愛蒼生君臨赤子天地同其大德日月合其重光鼓之以雷霆潤之以風雨除暴亂致太平張四維朝萬國功成作樂治定制禮正道無爲區寰有截闢泥洹之路開般若之門宣十二分之經濟四千年之法精勤者舊捨俗歸僧淨任初童持心秉戒非直法輪再轉法鼓還鳴四海於是無虞兆民因而有賴委羽乘毛之國慕風化以來庭靈禽嘉貺之祥應圖書而萃苑巍巍也非境智之思量蕩蕩乎豈言談而能盡玉泉寺者基此山焉智顛禪師之卜居也敕旨正名著額其山嵬嶸嵯峨崎嶇崩嶷峯疑偃蓋巒似覆船巨石窮奇之象洪崖譎詭之形岡曲抱而成垣水滌洞而結乳□□□□□□鸚啼碧樹之間日月爲之蔽虧霄液由之散聚前瞻江路仰望荆岑左帶昭邱右通巴峽禪師本姓陳氏潁川人也少稟生知童眞剃落從師南嶽蘊道天台睿

智洪才之響非直播於江南知幾妙辨之聲固亦聞於河朔皇帝□子太尉公晉王性稟孝慈情包惻隱能臣能子匡國匡家蘊神機之智垂汎愛之心布君子之心偃生民之草往以僞陳納款受律行師策妙指蹤威稜江海遂尅定金陵化平銅柱三吳霧卷百粵塵清師乃因王利涉王遂因師受戒師至此而投院王奏聞而起寺於是異域才情之客慕其道而弘臻他鄉鍊行之僧味其風而雨集師精研道理盡意談玄語證禪支心開定本幽宗博義若挹海而無窮辨句清辭似懸河而自瀉居朋之友雖盈量以爭飯處少之徒從窮崖而莫反爾乃信心檀越積善通人咸施一材俱投一瓦憑茲眾力事若神功營之不日而成飾以經時而就層臺迴閣複殿連房寒暑異形陰陽殊制雕簷繡栱與危岫而爭高鑿礎鐫基共盤巖而等固風光出其戶牖雲霧生其棟梁華炫耀於

金盤氣芬芳於玉樹工圖相好湛若金僊匠寫真容凝如滿月殿
起三層之柱簾懸白響之鐘堂開千葉之華蓮捧飛來之座燈光
不滅灌海逾明刹柱俱低承幡白舉吉祥柔滑之草爛熳依筵逆
風和氣之香氤氳滿院斜通洞穴直注凝泉色似琉璃味同甘露
波投薰鼎浪瀉陸堂飲腹消痾洗軀愈疾石柱銅梁之狀影如蓮
池桃源菊浦之華香浮柰苑可謂山類耆闍寺同離越似龍宮而
出見疑鹿野以飛來竊以前王鑿鼎惟論體國之功今共刊碑永
記菩提之道余任宰屬城寺居所部文雖寫意書不盡言其詞曰
二儀開廓四氣氤氳方以類聚物以羣分通賢通聖明后明君隨
機設教觀化垂文樂章旣造禮儀方制定彼親疎決茲疑滯披圖
辨物屬辭明例唯化一生不論三世玄都玉簡紫闕銀經解尸遺
骨飲液吞精乘龍萬紀控鶴千齡終非實相猶是塵情唯有大雄

湛然常任不生不滅無來無去千門妙旨一音演諭度脫眾生涅
槃雙樹夢通劉后感應姬王恆星掩曜滿月澄光寫形東國指聖
西方慈悲願海善逝津梁法顯還晉摩騰入洛花散經臺香流像
閣釋教鬱起桑門盛作露炫珠幡風吟寶鐸眞君建德運鍾滅道
淪沒四生毀除三寶我皇啓聖德侔蒼昊妙法更弘眞儀再造陳
氏僭號王赫斯征句吳霧捲閩越廓清因逢智者延謁山庭珠生
浮漢玉出口荆華峯崒屹石洞淵懸芬芳菊浦滴瀝瓊泉盤渦似
谷覆嶺疑船來儀晏坐觸地蕭然妙辨悉檀深窮般若緇素雲會
挹其河瀉或施之材或投之瓦經始不日翻成大厦更起龍宮還
開鹿野山連紫蓋江抱黃牛西臨月峽東接昭丘春牕夏牖水殿
山樓旃檀圍繞琳碧還周塵吐芙蓉龕懸石鏡白毫相好紺髮輝
映銀鸞徘徊錦鱗游泳騰猴心靜怖鴉影定猗歟哲王命也

蕃屏自天生德孝誠俱秉且夤非儔良平詎并出總連轡入調鐘
鼎構此伽藍實資力請魔殿巉嵒須彌鬱律倏覩劫終俄看燒訖
豈如彼岸生死皆出金石不朽天地可畢鐫勒巖阿永垂懋實

玉泉寺智禪師碑隋開皇中當陽令皇甫昆撰按玉泉寺之建
此碑敘次甚明所云憑茲眾力事若神功者是也而釋子故神
其說以誑愚民無識者從而信之於是董挺著之於記有夜分
忽與神遇之言釋齊已見之於詩有玉泉神運寺之句趙忠義
彤之於畫有關將軍起玉泉寺之圖而弇州續稿題關將軍四
畫創玉泉亦居其一蓋惑者至今未已也因錄此碑爲附其說
於此金石存佚考

陳伏波將軍陳詡墓志序并碑陰

佚據古刻
叢鈔錄入

志九十五

金石二隋

三

前陳伏波將軍驃騎府諮議參軍陳府君墓誌序

儀同三司周彪撰

君諱詡字孟和潁川許昌人也鴻基浚序有虞之苗口若夫姚墟
誕聖媯汭降神四門穆穆八表光禪商均不嗣周聳胡公封建于
陳因口命氏鴻臚元方榮書魏冊徵士季方高著先賢自下蟬聯
並鞏繡言史祖僧亮神情淡遠素風高奇齊輔國府行佐父敷風
儀峻勳雅有綱格歷至前梁儀同君幼而聰敏長而好學博覽百
家漁獵九部懸梁刺股手不釋書天才儁拔思若有神文章口口
動成部帙景純五色之筆江淹用之麗藻王充五行俱下都市稱
爲口口有集廿卷爲世所重起家爲岳陽王雍州西曹轉府記室
梁國蕃周將佐送款武成元年授帥都督衛州東征王師失律軍
潰陷陳同旅督將七十二人並囚俘檻屬陳相王曇瑱初秉朝政

虐示國威縱情好煞於望國門並害諸士君於刑所附啓自陳蒙
荅貫死漏刃獲生俄而釋禁策名預宦授招遠將軍加伏波將軍
俄遷驃騎府諮議口國云亡總管秦王招賢慕士迎還并州客禮
厚遇辭老還鄉第二息孝騫昆季男女久違膝下忽奉慈顏悲喜
不勝如從天落相率盡養日膳常珍則儀狄九醜何曾百品恣口
釋心意恬如也同畢卓之酣歌慕阮孚之任放達無遺有識假歸
眞所製終制非秦始之高墳是王孫之羸葬乃遺命送終唯令儉
薄不許立銘開皇廿年九月廿四日卒於檀溪里時年七十六五
男五女男則孝悌著聞居喪過禮女則柔和顯稱婉婉聽從以其
口口十二月丙辰朔十八日癸酉歸葬高陽鄉之舊山式鑄序誌
用傳不朽

碑陰

志九十五

金石三隋

三五

君第二叔爽字寶明州祭酒從事 妻太原王氏

第三叔子暢字彥舒法曹從事 妻滎陽吳氏

第五叔孝遠字祥敷梁鎮北府法曹參軍使持節驃騎大將

軍開府儀同三司口江口口口 妻故鄣施氏並未入此山

第二弟言字仲厚

第三弟譚字季辯未入此山 孝騫所生李夫人長息孝柴

早亡未入此山 第二息孝騫字裕閔

第三息君卿字闕護 第四息曜口字宏奐

第五息五敏字稚文 第六息思帖字幼集

長女禮閨適梁故儀同郭仲方息元預

第二女藏閨適陽平郡守大都西門忠息瑱

第三女敏閨適明威將軍文昇

第四女四閨適江東長沙王府法曹參軍王不巖

第五女善才心願出家安居大巖淨寺

君妻瑯琊諸葛氏

陳伏波將軍墓誌序并碑陰在襄陽府治輿地碑記目

右碑題云前陳伏波將軍驃騎府諮議參軍陳府君墓誌序儀同三司周彪撰無書人姓名序云君諱詡字孟和潁川許昌人祖僧亮齊輔國府行佐父敷前梁儀同君天才儁拔有集廿卷起家為岳陽王記室梁國蕃周將佐送款武成元年授帥都督衛州東征失律同旅督將七十二人俘檻屬陳相王曇顛于望國門並害諸士君子刑所自陳貫死俄而授招遠將軍加伏波將軍遷驃騎府諮議口國云亡總管秦王招賢慕士迎還并州辭老還鄉開皇廿年九月卒于檀溪里年七十六以十二月十

志九十五

金石三 隋

三

八日歸葬高陽鄉遺命不許立銘云云而碑陰則載君叔三人爽子暢孝遠遠為梁驃騎大將軍君弟二人某譯息五人孝柴孝騫君卿曜口五敏女五人禮閨藏閨敏閨四閨善才因叔及叔母因女及女夫而息之婦則失載焉君妻瑯琊諸葛氏孝騫所生李夫人文在末行按詡祖父仕于齊梁詡則由梁而周而陳而隋身歷四朝在隋立碑題曰前陳可見古人待蕃國之厚故宦之寬元世祖時中書省檄諭中外江南既平宋宜曰亡宋何也碑云詡有集二十卷為時所重而唐藝文志不錄其姓名古今抱才之士湮沒無聞者可勝數哉金石錄補按碑陰載息六人此作五人以孝

柴早亡不數碑文亦止言五男五女蓋但計生存者耳

仁壽元年碑

佚

在安州無撰書人名安州志

舍利石塔銘

佚

隋文帝舍利石塔銘在鄂州東十里勝緣寺塔記云隋仁壽初

文帝以釋迦如來感應舍利分布天下建塔百所是塔為天下

第二輿地碑記目按光緒舊稿云廣弘明集載仁壽元年六

四月之內一切人民俱發菩提其修福業使當今見在爰及來

世承作善因同登妙果宜請沙門三十人詣解法相兼堪宣導

者各將侍者二人并散官各一人薰陸香一百二十筋馬五匹

分道送舍利往前行諸州起塔其塔所司造樣送往當州僧多

者三百六十人其次二百四十人其次一百二十人若僧少者

盡見僧為朕皇后太子廣諸王子孫等及內外官人一切民庶

幽顯生靈各七日行道并懺悔起行道日打刺莫問同州異州

任人布施所施之錢以供營塔率土諸州僧尼普為舍利設齋

限十月十五日午時同下入石甬總管刺史已下縣尉已上自

非軍機停常務七日專檢校行道及打刺等事務盡誠敬稱朕

意焉是歲分送舍利之州凡三十同時起塔二年復分布五十

一州起塔法苑珠林載有襄州大興國寺隋州知門寺荊州安

志九十五

金石三隋

七

州感瑞靈跡均在今湖北境內而銘皆未出即此銘亦久佚矣

啓法寺碑

佚據臨川李氏拓本錄入

儀同三司樂平縣開國子汝南周彪撰

州前從事譙國丁道護書

若夫恬惓無為本無礙易方言形有乃有興亡故如如不動蓋波

若之滿法諸行無常乃涅槃之半偈是以羊滿無方示頓示漸正

□有法有成有壞成□須達布金壞則婆門毀寶況乃真君廢教

爰在茂之年建德毀法當乎敦牂之□目四海月渡九州分長

法橋通□舟□不息□終則泰運□太平我大□皇帝□世也至

德□功□植□細地扶□於巨浪混六□之同文拯塗炭於倒懸

□之共□日之南□北陰之北湯谷初□章亥虫不窮廬敖□不

至英□山航□重□賓王不識之奇未□之異□心摩□獻其方
物方□庭□史不□表□祥府□脩□度人□士蔣□故張□人
□五戎女□清信□林□爲□僧六□不□開皇八□戊申上苻
□大寺時刺史上□府部尙書上庸□京兆□魏□空文□周高
□鉉爲射見□臨交道□望□女之□堂□之□東引□武□路
上□嶺綿亘峒嶒□山傍接□水公乃出晉□宗之□像寺道安
法師所造□金銅元□像夜□寺□不□寶難□齋□分□寺□
日行千里□太□四年苻丕□長安奉□曰昔晉氏平吳利□二
陸今□襄宛獲一人□半□當□法□所□之□方□□功□人
□日□便踏部居城一十二鄉□祭奠之礼理不害□惟何□寺
館□丞率侍士女一日□負外侍□福嗣□侍喪屈□見父平昔
前□服翫廿四件并見□無用之用貪者□心庶□難□揔管大

志九十五

金石二隋

三

將軍千金公奉上勵勤率下霜潔愛惠臨民卧治自理長史前□
宮內書舍人南陽□典□多□屬大都督彖□相□勤王助成福
業庸訥詢諸同志共建高碑為銘云爾

□興□由人真君法駁□像湮□極則□否終□聖拯彙旨□仰
□賴□經維慧命柚資構造□身成創草方籍妙緣莊嚴相好承
安聖□檀忍化物□顛為首如□民吏數千建齋□孝子封連□
天中之天以申有量德音無已□□□□□□□□□□□□
□趙勵施地主胡□□□□□□□□□□□□□□□□□□
□鳳凰生□□□□吳震頤□□□□蔣□□祖太□□親祖□□長
史羊容縣令□□閣將軍

大隋仁壽二年歲次壬戌十二月甲戌朔十五

開皇四年四月一日創立此寺

隴西李寶鐫

此書兼後魏遺法與楊家本微異隋唐之交善書者眾皆出一法道護所得最多楊本開皇六年去此十七年書當益老亦稍

縱也蔡君謨跋

蔡君謨博學君子也於書尤稱精鑒余所藏書未有不更其品目者其謂道護所書如此有太學官楊褒者喜收書得道護所書與國寺碑是梁貞明中人所藏君謨所謂楊家本者是也集錄

隋儀同三司周彪撰襄州從事丁道護書開皇初詔後周所毀佛寺皆復建之州人共造此寺刺史韋世康名之曰光福禪房後又改爲啓法寺以仁壽二年十二月立并邑人趙勵等題名

寶刻叢編引
集古錄目

啓法寺碑開皇中立啓法寺今爲龍興寺在襄陽城西南豐集
古錄

志九十五

金石三 隋

三

啓法寺碑仁壽三當作二年建曾南豐以爲開皇中立誤也道護

之書見於世者獨與國寺碑與此碑爾二碑俱在襄州前年春訪碑於寺止得與國寺碑而啓法寺之碑無有此可珍也集古
後錄

丁道護官至襄州祭酒從事善正書書小

晉宋而下分而南北北有丁道護襄陽啓法寺與國寺二石啓法最精歐虞之所自出與國麤甚如出兩手天不壽精而壽麤

良可歎也書法
鈎元

予於京師孫氏見此碑精采奪目在率更河南以上後至嘉興訪曹侍郎一見卽語予曰新得丁道護啓法寺碑天下惟此一本開卷見研山齋圖記知爲孫氏物予惜此碑旣爲希世之珍歐陽公雖愛其碑不著立碑始末趙氏有目無跋特略其文而

存之金石錄
補續跋

隋啓法寺碑仁壽二年十二月周彪撰丁道護正書自王象之
輿地碑目已援集古錄之語則世無此碑久矣此拓者義門何
氏所藏久在吳中懸價甚高予聞名三十餘年今始爲臨川李
春湖宗丞所得其碑字旣經剪裝中多脫失而此碑之得名則
以丁道護書也然以予平心論之南朝碑旣絕少惟北魏北齊
以來碑志多流傳者而字體蕪雜多所訛失至隋時若此碑及
龍藏寺碑皆足開唐賢之法者然隋碑如常醜奴墓志不著書
人名而其書實在此碑之上不得因丁道護有書名遂以爲古
今獨絕之奇也卽如其中館字書爲館此則隋時已開俗書之
漸矣狐兔作狽菟亦六朝之餘習然行筆清勁則超出北朝諸
碑是足傳者耳若通論書家前後流派則承隸之後開楷之先
由魏齊周以來遞推論之此碑雖漸歸於平正而亦漸卽於坦

迤若二王而下蕭羊已上開闔正變提頓起伏之妙敬元得力
於子敬子敬得於家法者能由是而問津乎唐人正書莫先於
虞歐褚三家虞之發原在智永歐之發原在劉珉褚之發原在
史陵劉史之書世所不傳智永千文今所傳石刻是宋人僞作
則三家之發原處皆渺不可見矣吾獨取北齊樊遜書孔廟及
隋常醜奴志耳賀若誼碑下開顏書與北齊龍門造象記序開
褚書又皆次之若丁書此碑正與龍藏寺碑相比倫也龍藏寺
碑鐫手不工又在此下而此碑運筆清迥似可勝之若竟以冠
六朝諸碑亦未敢許也因跋李宗丞所藏舊拓本以義門所藏
諸前輩詫爲希有是以不得不核其實而言之

翁方綱復初齋文集按周書

權景宣傳天利初授荊州總管十七州諸軍事荊州刺史進爵千金郡公文中千金公或卽是景宣也

圓臺山餐霞觀碑

佚

盛仲述撰庾遠書仁壽三年十一月十七日立在江陵

寶刻類編

餐霞觀在當陽縣之圓臺有餐霞觀碑乃陳宗遜撰庾遠書碑

字剝落其碑中云前梁侍中尚書基州長史云云

輿地碑記目按撰人一

云盛仲述一云陳宗遜未詳孰是

使持節上柱國□州刺史李仁碑

佚

宗希顏撰李仁淵書大業二年十一月在峽州

寶刻類編按周書蕭答傳宗

如周子希顏有文學仕至中書舍人

儒學碑

佚

大業三年立在襄州

諸道石刻錄

志九十五

金石三隋

望

顯崇觀碑

佚

大業五年為至尊皇后祝壽所記銘存于均州治后碑云大業

五年己巳歲今五百餘年觀在鄖鄉縣西二百三十里

輿地碑記目

李刺史墓碑

佚

大業五年葬在廢佷山縣南舊經云墓前有碑篆蓋云南郡太

守李巴西墓

輿地碑記目按紀勝巴西作己酉方輿紀要佷山城在長陽縣西六十五里同昌市

江夏縣緣果道場塔下舍利記

佚據舊拓本錄入

隨江夏縣緣果道場塔下舍利記

夫至理空冲尋求之源悠緬法身窈莫無方之應奄臻至如萃疊

未然駐影留髮香薪已燎散體分形故有寶塢瓊龕崔魏四園之
上雲輿地踊照曜八國之中俾我聖蹟未之湮墜緣果道塲者梁
天監十二年太歲癸巳長史劉端捨宅爲寺有命過僧歸闍黎盡
心建造闍黎降自江夏氏揆未詳戒慧物持甚有靈驗於是鴻基
勝趾締構日新三業薰脩七財具足以今大隨大業九年昭陽之
歲江夏縣緣果鄉長劉大懿等遵依勅旨共三鄉仕民奉諸佛齊
興道塲七層塼塢一所安鎮此地次有清信弟子黃慧韻慧俊慧
達等兄弟並德性佳雅難兄難弟誓立五根願弘四事於所住宅
福瑞累彰亾父於大業三年二月乃於食內感舍利一枚大小相
歡覩茲希有安心水噐且浸且浮旋遶久之光明遍室頂戴虔禮
日申供養到七年正月俊女雞孃又感二枚斯實跡見難思抑聞
圖籍次有弟子李藥王信首宿馳賢才簡疋雖居無瑞艸手闕金

志九十五

金石三 隋

聖

錢每用放濟居心傾捨爲業以開皇廿年行至常州境感舍利一
枚到大業五年於所住宅又感二枚昔者阿難捧函如來讚其希
有康會瓶寫吳主嗟其神異詢諸經誥今古同符以今季夏六月
八日奉送散身永窆基下眾緣贊助普設大齋方俟七級巍峩接
霄房而颺采九盤煜曜韻寶鐸而流聲上資帝朝爰泊遐迓設使
芴盡方城五兮之身常住石銷天袂金剗之地巖然敢忘議善乃
爲銘曰

茫茫宇宙悠悠世間九地銜海四瀆抱山三途有獄五道無關魂
隨動泊識轉循還至聖何像嶷然惓怕示見無方迦維垂迹等抹
燒燃通悲幽溺息眾權城椎輪火宅八十化盡天人喪師撫膺雨
淚香水離毘四王典護八國均持揆緣靡隔靈祥俟時坊墳式建
層表臨空非回鬼力詎假神工金盤仰露寶鐸搖風山移川徙嶽

業興隆

緣果道場塔舍利銘隋人撰近時民家掘地得之輿地碑記目

碑無書撰人姓名按漢晉以後僧尼為寺道士女冠為觀隋改法雲慧日為二道場金洞玉清為二元壇至貞觀十二年復寺觀舊名則隨時立寺皆名道場也葉子奇草木子云僧之有舍利由其心源澄寂祕耀含靈真積力久結而成之及其火化炳然獨存此碑云或于食內或行至途中或于所住宅感而得之斯亦奇矣予何敢盡信金石錄補按是塔銘造於大業九年六月八日文中開皇廿年李藥王行至常州感舍利事金薤琳琅遂繫於開皇二十年誤矣古刻叢鈔亦載此文首行道場下有七層二字舍利下有銘字文中窅莫作寂怕崔魏作罪鬼又闕諸佛二字德性性字瑞艸作瑞井又闕瀆抱二字識轉轉字離毘離字今取宜都楊氏舊拓本校正

李慧達造鐵鑊

志九十五

金石三 隋

聖

存正書在當陽玉泉寺

隋大業十一年歲次乙亥十一月十八日當陽縣治下李慧達造鑊一口凡鐵今秤三千斤永充玉泉道場供養 伯達 譚俗生

隋煬帝鐵鑊在玉泉寺輿地紀勝

案右鑊題隋大業十一年歲次乙亥十一月十八日當陽縣治下李慧達建造鑊一口用鐵今秤三千觔永充玉泉道場供養四十四字背後中行有譚口二字又有達生二字與譚字並分列左右又有一伯字在達字之下偏左其義未曉字俱在腹之外面口邊寬四寸六分口內徑四尺二分深一尺八寸底平微凹五足神鬼狀在玉泉寺大殿階墀之中按周禮天官亨人掌其鼎鑊註鑊所以煮肉及魚腊之器又漢書刑法志有鑿顛抽

脅鑊亨之刑師古注曰鼎大而無足曰鑊今有五足是鼎而非鑊矣況置於佛地尤不應稱鑊今題曰造鑊一口蓋相沿俗稱失其義耳

馬紹基湖北金石詩注

丁丑春余過當陽玉泉寺得見隋鐵鑊字搨之凡四十有四字每字方徑二寸許此鑊乃彼時民間所造民間所寫其寫字之人亦惟是當時俗人其字亦當時通行之體耳非摹古隸者也而筆法半出于隸全是北周北齊遺法可知隋唐之間字體通行皆肖乎此而趙宋各法帖所稱鍾王者其時世遠在此等字前何以反與後世楷字無殊邪二王書猶可云江左與中原所尚不同若鍾書則更在漢魏之間其偽也不爽然可想見乎

室三集

鷓鴣賦碑

志九十五

金石三隋

四

佚

在枝江縣楊內翰宅係草書前有隋大業皇帝序云陳思王魏宗室子也後題云黃初二年二月記

輿地碑記目按紀勝二年作三年

無年月博

大中銓博

存分書出宜都城東宜都黃氏家藏

歲丁卯大中銓

歲丁卯大中銓

殘博

甄字博

存正書出宜都城東宜都朱氏家藏

甄

甄按甄氏元和姓纂云虞帝陶甄河濱因以爲氏是也

志九十五

金石三 無年月

五

金石志三

黃岡陶子麟刊